



Tuhaqtitauyukhaq

Qillaminuaq Tuhaqtitauyukhaq

Igluqaqtunut Nanminingmik Malikhautikhaq talvuuna Nunaup Puvitquumangga Nunavunmi – Iglut Tunngavingmiitukhaq Aulangitumik

IQALUIT, Nunavut (Qiqaiyaqluaqvia 13, 2013) – Nunavut Kavaman, Avatiliqiyikkutni, quviahuktun tuhaqtitiyaangat tuhaarutikhaqnik talvuuna ‘Igluqaqtunut Nanminingmik Malikhautikhangit talvuuna Nunaup Puvitquumangga Nunavunmi’.

Tamna igluqaqtunut nanminingmik malikhautikhaq titiraqhimayuq taima ayungnaitumik kangikhitjutikhaqnik, naunaitumik uqauhikkut taima igluqaqtunut. Titiraqhimayuq aviktuqhimayuq taima naunaitumik titirauyakhimayunik, tiklitjutiliklu piksaqaqhutiklu ihuaqtunik. Tamna malikhautikhat aituihimaagtun naunairutingnik talvuuna hunaumangat nunaup puvitquumangga, qanurlu hilaup allanguqtigininga ayungnautigivalialikta, ayungnautitlu iglunut, talvuuna akhuqnatqiaq mahaktailinikkut nunanut.

“Hivunikhangat tunihimaagiangat igluqaqtunut nanminingmik Nunavunmi taima ilitugitjutikhatlu hanaqitjutikhangitlu taima havagiangat allanguqtirutikhaqnik taima igluangani,” uqallaktuq Nangariyauyuq James Arreak, Ministauyuq Avatiliqiyikkut. “Una malikhautikhaq tunihimaagtuq ihuaqtunik naunairutingnik taima ikayuutiniaqtun allanguqtiqhimaagtunut taima aulayut nunalaaptingnut.”

Tamna malikhautikhaq hanahimayuq talvuuna Avatiliqiyikkut Hilaup Allanguqtiginikkut Katitiqviangani, taima ilaqatigiikhugit Nunavunmi Igluliqiyiryuakkut, Avatiliqiyikkutlu Kanatami, Centre d’études nordiques – Université Laval-mi, Nunalipauyaq Iqalungni, Kanatam-Nunavunmi Nallunaqtunik Iituginahuaqhimaagtun Havagvikyuangitlu. Maniktaqvikhat ikayuutikhat tuniyauhimavaktun talvuuna Nunaqqaqhimayunut Katimaviingit Ukiuktaqtunilu Pivalliatjutikhangit talvuuna Hilaup Allanguqtiginikkut Maniktaqvikhaq Ilaqatigiiknikkut.

Igluqpautit taima akuuktauhimayut talvuuna nunaup puvitquumannga mahaktitinikkut akituqyumiktuqaqtun akikhanik talvuuna igluqaqtunut nanmikkut, talvungalu kavamanut nanminiaqtunut havagviinut. Taima atuqhimaagnikkut ihuaqtunik napaqtuiliqitjutingnik taimalu tunihimaagumik ilihairutikhaqnik ikayuutikhaqniklu, taima naunaiqniaqtuq taima ilangit ukuat akingit ikiklilaaqniaqtun nutqaqtitaulangniaqtunluuniit. Taima atuqhugu una malikhautikhaq, igluqaqtun nanminingmik taima ihuatqiamik hanaqitjutiqaqniaqtun taima ihumaliugiangat talvuuna hanatjutikhanikkut munagitjutikhaqniklu iglungit nanminigiyait.

Taima qaritauyakkuurutikhat aatjiliukhimayuq malikhautikhangit nalvaaqtaugiaqaqtuq talvani Nunavut Hilaup Allanguktiginikkut Katimaviani qaritauyakkut qunngiakviani:
www.climatechangenunavut.ca.

###

Tuhaqtitiliqiyi Hivayaqlugu:

Tyler Ross
Atanguyaukafuktuq, Tuhaqtitiliqiyiit, Ilinniaqtuliyiyikkut Ikayuktiuyutlu
Avatiliqiyikkut
867-975-7720
tross@gov.nu.ca